

秋

佳

軒

詩

餘

秋佳軒詩餘卷二

金陵易震吉月榭書

濮水南洙源岸覺點

水龍吟

山中

山中僅僅三間。竹爲椽子茅爲瓦。有琴堪撫。有書堪讀。有杯堪把。出豈無時。人言閉戶先生來也。余笑而不答。此心閒甚。仍如在山中者。○每

望城門却步。這山情十分難捨。雲因山淡。月因
山冷。風因山灑。歸去來兮。聰兒如閉。口兒如啞。
笑伊曹。熱趕忙。奔不肯。放些些暇。

其二

怒號風恁無情。吹飛老子寒廬瓦。布衾如鐵。濁
膠半甕。長鑱一把手。撫孤松。連卷偃蹇。鞠躬如
也。十年來心事。故應休矣。問誰是知音者。最
愛山頭明月。不須錢。老天施捨。甘蕉葉展。遺愁

詩就縱毫揮灑。寄語巖僧。秋茶須惠。午鐘休啞。
但無營。一日當他兩日。覺吾生暇。

其三

一盆盛酒矜持。自來學用田家瓦。茶須手煮。硯
常手滌。鋤還手把。稼圃堪娛。何妨呼我。小人須
也。看閒雲山上。故來山下。似意在區區者。○富
貴非同寂寞。憶當年向平能捨。歲云暮矣。紙窗
竹屋。雪敲風灑。若似箕山。一瓢聲耳。還教他啞。

又何須絲竹管絃之屬。亂人清暇。

其四

茅齋果可安身。省磚減木還裁瓦。侵晨衝霧。尋
花釀酒。幽香盈把。逢着江漁。問伊垂釣。幾何年
也。渠笑而不答。其心閒甚。斯豈在於魚者。○萬
事歸來便好。甚榮華人貪我捨。長安道上。塵冠
風撼。塵衫雨灑。仔細斟量。卧龍應遜。寒蟬宜啞。
看孤雲。守定巖扉不去。伴孤僧暇。

天雄送客

胸中磊隗難消。黃鍾毀棄。雷鳴瓦送。君西去。倚
天畫地。昆吾堪把。磔磔諸公。無雙國士。定何居
也。料九霄雲翼。二蟲眇矣。安能識高飛者。○掌
上權謀。堪試力。方剛故園。應捨戈矛。已遍待誰
挽取。天河水。灑吐氣揚眉。楚囚徒淚。豫喉空啞。
看君行萬里。居然眼底。羨神思暇。

出門

出門荒草粘天。何秋不令行人歎。楓林半醉。菊
籬初葢。柳塘猶漫。酒病詩愁。飄零學李。登臨追
粲。忽鴻來萬里。霜生兩鬢。是誰放光陰彈。○惆
悵前途知己。暮山雲蔽。空如扇。塵高出樹。燈將
映馬也。應投館。算別家園。牀前明月。幾迴孤看。
願寒蛩今夜無須唧唧。把羈情喚。

爲友人壽

幾人不識青山。幽奇却被先生占。古心古貌。以

耕以鑿。何婚何宦。終日盤桓。釣車茶具。隱囊欹
案。甚千方百計。將頭顱上。直催得銀絲燦。○賸
有琪花瑤草。綺筵前恣供賞玩。我偏折取大椿
老樹。獻君一幹。繞砌芝蘭。冲霄鴻鵠。僉稱積善。
賀春秋歲歲持觴。不必把春秋算。

探梅

一般欠事堪嗟。雪花不到。將梅悞。疎枝自古老
根光健。在山間路。天意衝寒。欲開還斂。韞香封

素論瓊姿元占東風第一。待索笑巡檐賦。間
者闊焉久矣。夢連仙孤山佳處。偷春做蕊。急須
弄影。奢期盈樹。惆悵而今美人來晚。幽懷誰訴。
再相尋或在南枝上下。有芳心露。

東谿

良辰徙入奇懷。東谿一日千回走。谿風攪柏。谿
雲屯竹。谿煙媚柳。正悵離羣。偶來琴客。更逢詩
友。怪相違數日。三秋不啻。且先罰三杯酒。○柔

細草茵堪坐。愧蔬盤野。芥園韭。遊須信步。吟須
信意。歌須信口。天地古今。輾然一笑。子虛烏有。
算歸時沿路花陰。直送至柴門首。

送別

如麻短髮秋添。衰殘仍望花生筆。重陰未捲。定
成行否。知君心急。疎柳寒蟬。長安古道。西風落
日。看仰天大笑。出門一去。直到賈生宣室。○老
我山林樂事。當時與孤雲相揖。等閒茶具。偏宜

酒。殘。不。開。書。帙。爲。想。前。途。高。吟。馬。上。香。飛。橙。橘。
我。期。君。君。定。依。然。憶。我。把。孤。燈。剔。

江樓卽事

秋江八月佳哉。竹樓人坐江聲裏。遠山如黛。近
山如面。碎山如齒。所謂伊人。臨流把釣。是玄真
子。有奇觀。突見夕陽西下。山氣一齊都紫。○偶
想莊周夢蝶。倦精神。頽然隱几。尤奇一夢。我爲
魚也。魚爲我也。快活無端。游來游去。肺腸皆水。

被新鴻樓外聲聲喚醒。今鰕生起。

竹居

小廬窮巷蕭條。自從種竹黃金貴。時方仲夏。三將近。看吾君醉。點綴君傍。聊堆些石。更栽些卉。愛晚風新雨。恁般時候。當別有清滋味。○暗想當年六逸。坐溪頭開襟挹翠。蕭郎去後。寫生佳手。料應也未。蒼雪紛紛。庭槐門柳。從今堪廢。倚闌干雨耳。幽聲不歇。宛鳴瓊佩。

漫興

達人只合歸來。微生應笑栖栖者。十年操管鏤
心刻骨。總之乎也。南北東西。艱難潦倒。敝車羸
馬。猛迴頭細想。虛名身後。果何似。罇罍下。○驀
地茶蘼開過。偶披襟愛茲長夏。柳陰如蓋。黃瓜
初賣。薰風灑灑。一枕黑甜。直須爛熟。山窗纔罷。
聽兒童笑向東園裏去。把枇杷打。

爲友人壽

八千歲一春秋。莊周豈作欺人語。不應此目只
將七十壽先生耳。我羨古心。又兼古貌。居然老
子笑癡兒。只恁餐芝與米。渾昧了長生理。○況
有瑤林玉樹。列庭階許多遂意。鑿池鑿洞。種花
種竹。園林如綺。時引良朋。都沈醉在香山社裏。
料徵書不久。從天而下。看隆中起。

春江曉發

春江霧攬晨光。小舟衝霧模糊走。詩翁酒困乍

醒猶渴。幾回搔首。細閱諸峰。載瞻遙浦。無無有。
有。宛丹青一幅。逼真米老。天外掛來。非偶。○與
到何能已已。把洪波吸他一口。沙鷗數點。相親
相近。忽焉在後。日夜乾坤。都浮此內。問伊知否。
濯吾纓。風月從教占盡。做滄浪叟。

送別

携樽相送江干。勸君須罄清樽裏。君如不罄。迴
頭相望。嗟何及矣。出岫無心。歸林何日。行行且

止怪文通賦別。至今都道銷魂黯然而已。○瘦
馬塵風。衣帽路迢迢。甫從茲始。秋容天寫。老黃
飄葉。深紅垂柿。鄉國雖殊。關山一點。炤人彼此。
但休將寄我音書。輕付與洪喬耳。

秋日潭上

一泓冷浸秋雲。秋襟合向秋潭灑。潭東延眺。紅
亭白塔。松墳石馬。可惜前時。依僧住寺。未來過
夏。看蜻蜓如醉。水芳亂發。說甚武陵溪也。○繡

尾魚兒幾箇。漫浮來戲將。罾打一爐。一榻一棋。
一案。一琴一垞。選勝論詩。定應此地。招朋盟社。
坐移時。又見初飛鴈影。在澄空下。

江行

春江搖槳匆匆。川迴頓把前峰失。斷雲含雨。輕
風生浪。孤光陷日。汊口將臨。賈船似市。漁罾如
織。盼遙村隱見。山城一點。停想不知何邑。○飛
過。嘶魚水鳥。悄無聲望林投急。小溪稱便。汲波

烹茗就波淘粒。窄境篷窗。逢沙沙淨。玩山山碧。
赴郵程。謬擬五湖查上。那般閒逸。

宿江上

自生江上蟾光。舟中長有思家客。夢依古岸。幾
聽鴈下。幾聽蛩咽。孤意多虞。奚奴相近。可能潛
測。啓篷窗一望。平沙秋淨。十里竟如銀白。○水
冷魚兒應遁。荻洲邊釣舟猶設。棋因病止。詩因
嬾廢。酒因愁竭。書斷故人。風吹短髮。蓴鱸時節。

約三更寂寂遙雞誤唱。使羈懷切。

送別

幾年高臥東谿。閉門無事生秋草。重陽風雨。報
聞君去。憂心悄悄。一鶚橫空。是誰浪說。在家貧
好。想太行嶺上。那三尺雪。爭三尺鋒多少。○所
望加餐努力。暫停車。一杯一笑。英雄能幾。使君
與操。其餘堪掃。湖海元龍。天人董相。崢嶸文藻。
計平生。知己天涯難見。爲相思老。

滿江紅

初春

春向何來。怪昨夜驚梅拂水。想更到垂楊橋畔。
冷鷗沙嘴。批頰鳥催林外曙。叩頭蟲響窻間紙。
下匡牀。饒吻又流涎。香醪美。○書擁案。無心理。
塵入硯。呼童洗。漸輕紅嫩白。點花成綺。芳草初
生。行客路。青帘欲喚遊人指。算從今日。日詠而
歸。吾狂矣。

閒適

葺箇園兒。瀟灑處。清漣綠篠。却又值金風剛到。
新涼稍稍。我愛長江瀉天外。有如白鳥飛林杪。
更凝眸一點。弄微茫。漁舟小。○襤襦客。今休擾。
砧杵婦。衣初擣。念水田雖薄。早收紅稻。晚酌忻
嘗菱角嫩。夜燈叫買雞頭炒。坐虛檐香氣隔林
來。荷花沼。

抵舍

草草三間。見滿地蝸涎燕屎。久雨後苔堆厚綠。
鮮凝新紫。君子所居不甚擇。歸來且住爲佳耳。
噫。歔歔客路苦羊腸。何如此。○當暑葛迎寒履。
燒藥竈。焚香几。凡家常物事。其來舊矣。人世機
多。棋子上。平生樂極杯兒裏。壞窻櫺。那用綺和
紗。糊些紙。

九日東山

節屆登山。便直到山之絕頂。殊可愛。重巖細菊。

逗遛秋景。佳色曾娛彭澤令。瘦容欲學東陽沈。
看丹楓墜葉。雜花間。渾如錦。○少長集。非邀請。
開口笑。都狂飲。想人逢佳序。惟應酩酊三戶孤。
村香橘柚。一灣野水來漁艇。忽風飄。舉手快捫
頭。將冠整。

贈行

劍匣飛霜。爾詎肯低頭林莽。分袂去。青春作伴。
風塵鞅掌。武庫繇來推杜預。高陽競許誇荀爽。

美君侯騰躍而上之。非虛獎。○流日下。江河蕩。
誰砥柱。還吾黨。願長鞭先着。舊鄉休想。三月聚
糧。無所用。千金投壁。昂然往。待歸時。畫錦榜高
堂。光天壤。

蟬

卸殼成形。怎禁架螳蜋雙斧。還又惹兒童上樹。
幾迴採取。最潔朝需些子露。羣嘶日正炎歊午。
愛吾廬深巷。覆稠陰。榆槐古。○蛙太鬧。如撾鼓。

輕翼振。無過汝。記中郎理會。斷絃淒楚。黃雀相
窺知善避。携聲又向他枝主。每閒聽心地。覺先
秋。堪消暑。

旅夜

熱趕忙奔看。只是如斯而已。人正坐寂寥燈下。
短長更裏。烏鵲月隨南去。炤鱸魚風向西邊起。
計浮軀能得幾何時。常羈旅。○僮僕睡幾如死。
馬上倦。圖休止。嘆征途冉冉。爲誰驅使。一笑出

門仍記得。入門一笑當何許。隔江流恨少。滯歸程。昨朝雨。

山中

一角欹峰。打算就頭宜白。此疎嬾甚。雲林出入。自稱居士。何地無山。渾不異。如吾閒者。却少耳。傍孤桐。遍體浸新涼。秋如水。○賢者避。因羸氏。迄漢代。生黃綺。每尋思。幽契惡能已已。恰有伊人無姓字。今知柳市南村裏。飄飄乎乘興試過。

從隨芒屨。

暫駐

暫駐征鞍。君且待、區區捫蝨驛路上眉來眼去。
幾多行客。半世功名。頻看鏡、五更魂夢難迷蝶。
怪飛花欲攪異鄉愁。時侵額。○芳草徑。垂楊陌。
于役倦。音塵隔。歎銷磨。今古隴頭殘月。天地渾
爲莊氏馬。江湖好作鴟夷宅。向雲煙深處一垂
綸。身如葉。

元日

醉夢朝醒。笑還是。昨年面孔。兒輩道。禮應潔祀。
衣冠忙整。少頃定傳椒柏釀。屬余焚尾杯堪警。
更誰知。老大又經春。追懽勇。○爆竹震。孩童恐。
殘雪在。空階擁。見里隣相賀。太平佳景。暖意欲
將楊柳動。風光先向梅花寵。愛纖纖細麥寸餘
長。青盈隴。

秋旅

水閣詩集卷之八
絡緯聲聲只似與羈魂低語。荒驛舍曾經畱宿。
再斯可矣。莫是馳驅偏有分。貂裘敝向塵風裏。
謝征鴻伴我不辭勞。千餘里。○世上事。時遷徙。
心內事。無窮已。止兩三僮僕。轉相親耳。晚徑雲
來山覺近。空床月到秋如洗。酌村沽滋味。竟如
何。廉于紙。

蛙

閣閣蛙聲。可便是前時蝌蚪。還要當喧闐鼓吹。

勸余杯酒。田舍自來消寂寞。杖藜閒拄聽雞狗。
到而今添得爲官私。徘徊久。○羣起鬧時方丑。
風雨暗。鳴過西。想子陽尊大。井中堪醜。曳足野
萍知好動。持頤缺甃如思偶。夢莊周一枕被伊
驚。無何有。

餞友

言

高柳攀枝。便放在君侯杯側。僮僕擁刀光腰下。
都如銀白。十載論交春草社。一朝去作長途客。

看龍媒行色正匆匆。將伊勒。○古驛裏多栽柏。
野店裏多餐麥。算長安。○愁足菊花時節。朋輩倘
詢余近況。幸言詩酒爲長策。再叮嚀。○莫阻向南
鴻。音書隔。

醉起

滿地梨花錯認作。○老天飛雪也。只是卯時把盞。
到晡時節。○頽坐暫成筵上夢。醒來已去堂前客。
計三旬廿九日昏昏。○陳慵絕。○山欲暮。雲將歇。

渠自涸。泉尤潔。看漁燈數點。斷橋明滅。永結交
情。還是淡。飽諳世事無如默。據胡床。且對快哉
風。佳哉月。

春暮

騎馬追春。怕春去。有千千里。不過對殘香。贖粉。
歛歛而已。若把荼蘼都折盡。必然風景渾如洗。
爲呼童。畱取雨三枝。聊爾耳。○蜂和蝶。愁幾死。
觴與詠。教姑止。憶杏桃交映。鬚眉曾紫。杜宇忽

驚池草夢。芭蕉漸展山公啓。百年間芳晝信無多。吾休矣。

其二

打起黃鶯。殊可恨霎時蒼老。還細想不干鶯事。棟花開了。千古繁華元曉露。一朝愁緒同春草。曲闌前些個剩殘紅。風猶掃。○村落舍。微波遶。烟雨塢。青梅小。記江頭老杜。顛狂煩惱。有客教余尋樂事。哺時飲酒醒時卯。臥羅衾。醉夢每難。

成。新。生。蚤。

賦贈

玉樹瑤林。君自是風塵外物。每與爾高歌轟飲。
彈棋擊筑。登陟偏饒玄度具。行藏不向君平卜。
看白雲遙出碧岑間。無心逐。○寶劍繡。霜毫禿。
門種柳。溪栽竹。有農人雜坐。野情親睦。二頃田。
應謀鶴養。五車書已畱兒讀。再詢君何事恁縈。
懷。曰濠濮。

雲署作

我守鳩曹。冷眼看諸公衮衮。還笑我清時作吏。
白雲偕隱。蟾魄霄懸。星沒貫。鵲行身綴。班聯筍。
放衙時。庭寂午風輕。槐搖影。○刑措治于今。泯。
鉗網事。繇來忍。念小臣奉職。求生尤懇。病草方
忻。經露潤。衰條只恐逢秋隕。歎樗材合老故山
中。觀朝槿。

村居

門養牛羊。莫便道村莊景惡。詩興動催租人至。
令余消索。草率杯盤剛辦了。快邀隣父完前約。
試同携坐向落紅茵。懽相譔。○病不壞。巢松鶴。
驚不去。依人雀。這筍根菜甲。儘堪咀嚼。山徑茶
香僧致餅。竹齋竈冷僮煨藥。醉扶歸對月續殘
吟。泉聲落。

端午

解愠南風。恰吹送人間端午。着一領年時短葛。

稱身輕舉。把酒相看蒲葉嫩。臨流欲吊騷魂古。
笑貧家日糴太倉升。誰包黍。○競渡處。皆旗鼓。
懸艾也。新庭戶。想江南遺俗。猶傳荆楚。要認朱
明真面目。小園萬點榴花吐。日將沈。借箇打魚
船。尋洲渚。

客至

小帳容身。臥看着梅花滿紙。門扇響有人來叩。
未知誰氏。苛禮定叨佳客。怒但迎送。不能免耳。

試開門榆莢積門前。春深矣。○君忽顧緣何事。
道雨過來觀水。便相逢一笑。憶誰堪比。澄弗清。
今撓弗濁。古言叔度應如此。向橫谿盥手弄浮
香。殘紅藥。

山居卽事

酒甕傾乾。算許久慵開書帙。祇解得狂歌拍手。
閒吟抱膝。園徑狎來馴鶴二。松枝挂着貧瓢一。
笑世人碌碌馬頭塵。無虛日。○名利事。渾疎失。

農圃課。偏詳悉。過村牆野店。題畱幾筆。畦面香。
分將熟稻。盤心黃剝。初收栗。坐匡牀。蟋蟀弄窮。
秋聲啾唧。

其二

蠹老螢乾。撇不下芸窗。細帙隨分過。小山當面。
小齋容膝。嫩竹縈烟。蒼翠萬。頽松傍石。枯梢一。
對佳朋棋局共尊疊。消長日。○空計算。前期失。
真受用。今朝悉。取惠泉烹茗。端溪試筆。南畝未。

鋤莖底芋。西風早折枝頭栗。問階除歎息是何
聲。秋蟲唧唧。

登君山

何處湘娥。此山上白雲盈目。隨杖屨酒香纔過。
更逢方竹。順清軒中曾否。種子猷宅內。應無畜。
對此君豪飲。叫奇哉。盃浮綠。○湖天淨。霜林肅。
尋幽境。邀清福。憶朗吟。僊客。飛飛如鷺。四顧茫
然。千萬頃。青巒湧出中流獨。看遙帆。雲際掛秋

風輕鴻逐。山在洞庭湖中。產方竹。有酒香亭。朗吟飛過處。

卽事

几潔香清。因細把老莊書閱。掩卷笑胡然龍也。又胡然蝶。此意寧須求甚解。恍今惚矣。真奇絕。到于今秋木共春臺。無興滅。○不出戶。瞻伊闕。靜復命。虛生白。歎如馳行徑。甚時歸結。金玉滿堂難與守。不材之木年過耄。偶冥心端的有天遊。憑誰說。

春暮

春也懷歸。惹芳徑蜂尋蝶撲。又早值西垣蕉起。
漸勾窻綠。芍藥欄前千絮鬧。杜鵑枝上三更哭。
憶妖紅灼灼。戀芳尊而今不。○石溜響和絲竹。
池藻翠。清心目。恰纔過一雨。衆峰如沐。酒肉難
培吟體瘦。琴棋易解愁腸束。聽敲門算是故人
來。茶剛熟。

中秋

今夜清光未許似尋常。領略。沽美酒。要催簫管。
吹開雲脚。不暑不寒。秋爽暢。無風無雨。天空闊。
捲簾看醉眼。怕模糊。須醒却。○北至鴈。南飛鵲。
聲共影。深宵落。想愛而忘卧。山樓水閣。自古嬌
娥孤另也。鏡函誰與相磨琢。向層霄爲問。這根
因。神如躍。

九日

山翠撩余。姑小試登高病脚。況復有黃花。敷艷。

白衣相約。蘆荻洲中藏晚照。蟹螯尊上成佳嚼。
不多時。秋似遠行人。將辭却。○寒月近。西風惡。
流水細。新霜落。想藍田此日。興來歡樂。眺覽偶
隨鴻鴈遠。疎狂休受衣冠縛。漫畱連沈醉枕萸
囊。城鳴柝。

野外

石鼎甞罇。不解用腥銅穢錫。休更厭粗編蒲履。
小春倉粒。草舍雞豚謀旦晚。柴門風雨淹旬日。

便清貧客至。定烹茶。寒泉汲。○蓬鬢兩孤舟。一
書卷萬琴絃。七笑詩翁何事。狂搜險覓。向壁揮
毫書法縱。假人觀局機心逸。憶山中寒盡不知
年。因無曆。

送別

脫劍酣歌。要拔爾奇才磊落。遙看是杏紅十里。
東風依約。淚和酒傾杯欲墮。情將柳綰絲愁弱。
莫悲兮。只有別離時。今逢着。○兒女態。休牽縛。

鴻鵠志。惟寥廓。想山川。一路每多淳朴。世事縱然歸蝶夢。功名應許圖麟閣。甫經春冰雪未全消。還須褐。

平疇

春暖平疇。夕陽裏人驅歸犢。凝望眼睛嵐炫岫。野雲棲木。花蕊蜂撓。偏大放。笋尖石壓猶斜出。叩柴門。山谷應聲遙。驚眠鹿。○能取靜。知醫俗。紅藥圃。黃茅屋。有名琴心賞。異書手錄。喜詠東。

坡薄薄酒。早栽陶令叢叢菊。到秋來開遍小籬根。觴絲竹。

卽事

斂性茆齋。竹露下研朱點易。收拾起錦囊奚背。灞橋驢脊。鎮日閉門遊侶斷。蒼苔紅葉深盈尺。倩杖藜扶我到松間。眠幽石。○休戰那。機心奕。已設就。壘鹽席。向蘆花秋水。放舟一隻。鶴影飛來風浪靜。鴻聲落處雲汀僻。問吾身安坐甚中。

央。琉璃碧。

抵里

暫卸征衫。快活殺秦淮風月。家住在烏衣巷口。
莫愁湖側。徑闢三條。應姓蔣。堂懸一字。還名雪。
正紛紛親友出郊迎。相提挈。○從宦後。惟迂拙。
行役苦。恒南北。笑此時心目。猶搖舟楫。病骨喜。
經秋氣愈。幽懷思向山雲說。但今宵劇飲。莫教
醒。千金刻。

署中

擬作家書。屢泚筆。屢還中閣。心事。勦萬分難向。
妻兒行說。官署例喧。三次鼓。庭階驚起。雙眠鶴。
是誰言。不宜失心情。殊差錯。○山郡旱。秋收薄。
賓館閑。交游却。但紛紜簿領。案頭堆着。謝事暫。
驅煩暑病。費錢空喫。無功藥。待歸來。躬秉老農。
鋤。何其樂。

送別

別亦何傷。怪今日淚珠盈把。君見說陽關西出。
故人應寡。總是丈夫千里志。頻持如意將壺打。
不雄飛空自老蓬蒿。因乘馬。○揮手去。風塵也。
我與我何如者。有幽懷無限。此時難寫。每嘆半
生幾兩屐。會須一飲三百斝。便如斯。忽忽更悠
悠。忘春夏。

送春

春帶愁來。決不肯帶將愁去。忽忽底荼蘼施粉。

薔薇添刺。紫燕海天相約至。偶逢如叙寒暄語。
看楊花滾滾送東君。江頭路。○曲意冷。瑜空顧。
歸興極。陶須賦。待長松樹下。科頭箕踞無月定。
然難黑飲。有風應擬憑虛御。悔從前冗病苦相。
仍都辜負。

金菊對芙蓉

途塵

似霧而乾。如烟却重。長途可歎塵沙。正貂裘解。

下初着蟬紗。東風惡劣梨梢折。恨陣陣來攪征
車。時方亭午。晚雲未至。白日先遮。○數載薄宦
天涯。每身當此際。心倍思家。念山明水秀江左
繁華。等閒不放春光出。都埋盡麥隴纖芽。玄黃
元辨。長如今日。只是黃耶。

秋佳軒詩餘卷三

金陵易震吉月槎著

濮水南洙源岸覺點

水調歌頭

野外罕人事

讀陶詩拈句爲賦得三十首

野外罕人事。跡久闢城門。野人在野謀野。榆柳
種成村。悶便呼童淪茗。閒便尋僧打坐。只此過
朝昏。五嶽遊應遍。早畢嫁和婚。○雀堪羅鷗可

狎虱誰捫。口中不道世務。荒徑菊松存。屬有所
思何物。却是田家老瓦。注酒祖傳孫。風景集茲
處。所得難具論。

被褐欣自得

被褐欣自得。豈在貂與蠶。多年一領無恙。風雪
雅能堪。襟上酒痕燕邸。袖裏詩篇吳郡。西北又
東南。巧值今冬煖。春意遍身含。○晏嬰裘三十
載。可相參。老君見說懷王。而我得無慙。此服但

求宜體。腹飲枝棲類。是分外總婪貪。桐帽兼棕履。匹爾用成三。

秋菊有佳色

秋菊有佳色。世上淡人如。春來碧葉未改。養法不遺餘。所貴非紅非白。隱處曰籬。曰徑。羣卉莫爭渠。縱匪淵明侶。得不賦歸歟。○眺三山。依二水。是吾廬。主人開口而笑。賞玩肯教虛。嗣後霜風英落。帶得江天秋去。搔首恁躊躇。不可酌無

蟹寧可食無魚。

信宿酬清話

信宿酬清話。賓主悉忘形。空山夜色如水。冷浸
坐間屏。僕臥矮床。嚙語燈弄小窗。颼影茉莉細
傳馨。偶一躁鱗躍。搖動曲池星。○真異事。凡腐
草。化爲螢。君看書幌數點光。代杖頭熒。物縱至
微。有用。可以人而不若。起舞莫休停。茲地寂然
耳。露竹韻泠泠。

春興豈自免

春興豈自免。新霽展良遊。春如無我。想春光景
淡如秋。私念吾師一歎。乃在以風以浴。此意至
今留。袞袞諸公事久矣。風馬牛。○狂李白。錯力
士。杓舒州。但云處世若夢。有甚可心憂。十里紅
香未已。飛入笑歌聲內。和氣更夷猶。要使玉山
倒還宿杜陵不。

量力守故轍

量力守故轍。斂性就幽蓬。山中記有一相。夜枕
夢松風。何用據鞍誇健。況復揮拳爭次。須念轉
頭空。刻意搜奇句。此外百無功。○愛新鵝。療病
鶴。送歸鴻。人間世利其小。笏婦與薪翁。犢鼻布
禪高挂。正自不能不爾。南北阮休同。有古不見
我。積恨肺腸充。

桑竹垂餘蔭

桑竹垂餘蔭。令我不知炎。井蕉今始移植。更把

綠陰添喜有棋枰。敲午。欸客茶瓜。咄。辦輕燕巧。
穿簾珠走荷盤溜。峰簇火雲尖。○筆生花。真好。
夢屬江淹。撚鬚老子無興。枯管只空拈。百丈飛
泉如雨。直下泠泠堪聽。展簾坐虛檐。蛛網甚無
賴。蝶翅苦遭黏。

採菊東籬下

採菊東籬下。短袖暗香生。重陽節候雖晚。小小
蜜蜂聲。豈只將金泛酒。實恐蒞乾秋去。隻手向

花橫淚定垂他目。身且住寒城。○吾休矣終日。
醉卧前楹。有時戴葛巾子。相笑學淵明。坐上但。
教賓滿。萬事等閒看待。此外更何營。可惜池蓮。
盡破。蓋曉霜擎。

日月擲人去

日月擲人去。前此竟蹉跎。君看今夕何夕。葉葉。
下庭柯。未惜千金換酒。不用一錢賒月。大叫更。
狂歌。回首風塵久。拂石卧烟蘿。○浩然驢支遁。

馬。曼。卿。驪。古。人。偶。爾。騎。出。頗。覺。勝。情。多。材。不。材。
間。自。處。我。與。我。應。如。是。任。爾。詆。還。訶。載。展。東。樓。
眺。老。桂。影。婆。娑。

故老贈余酒

故。老。贈。余。酒。對。影。斟。酌。之。白。雲。長。倚。檐。下。勸。盡。
手。中。卮。此。物。有。賢。有。聖。又。道。督。郵。從。事。名。士。亦。
何。知。只。學。長。鯨。吸。日。日。少。醒。時。○。命。嬌。歌。催。急。
管。雜。青。絲。人。生。權。此。無。盡。但。恐。漸。成。悲。滿。眼。佳。

山佳水。一片清音入聽。所得孰堪思。柳外東風
舉。野店動春旗。

虛室絕塵想

虛室絕塵想。高枕納清風。起來亭午時候。茗戰
對君雄。一樹梧桐陰直。兩盞荷花香嫩。秋在碧
窻中。屋角古藤挂。石罅暗泉通。○結相知。千載
上。王君公。惟丘與壑堪據。再拜荷帡幪。縱口而
餐松朮。適體以衣蘿薜。叨冒笑無功。更有逾涯。

望。要住五湖東。

耕織稱其用

耕織稱其用。奴婢無瘁容。先生五畝作宅。面目
宛然農。時說桑麻閒話也。取犁鋤自把。樂意溢
心胸。衫履渾忘久。無乃太疎慵。○千百年一舊
物。是蒼松。科頭箕踞其下。麋鹿每相從。記在天
台山上。走過石橋南畔。曾見此神龍。根底穿來
筍。幾角破泥封。

衆鳥欣有託

衆鳥欣有託。庭樹古枝堅。清風豈用錢買。一榻
北窗懸。冬日之日可愛。夏日之日可畏。而我不
云然。永趣妙于短。請聽道如年。○兩耳中聲鑿
鑿。噪新蟬。博山坐對一縷。頗費水沈煙。有客曉
來共語。亭午忽然迴憶。當以爲昨焉。如此五百
日。約算詎非千。

清氣澄餘滓

清氣澄餘滓。天宇鴈飛遐。未應短髮無色。要插
滿黃花。恰值無錢枯坐。孤負醒眸雙炯。拖杖過
隣家。指點銀瓶索飲。到日西斜。○伊和我情淡
洽。話周遮。說來十載前事。拍手共咨嗟。九折羊
腸岐路。萬疊虎牙尖嶺。何日駐征車。去插先生
柳。還種故侯瓜。

氣變悟時易

氣變悟時易。倚杖嫩涼新。一丘一壑一我。風味

喜相親。丘是野雲堆起。壑把長天浸透。地隔萬
重塵。內置香茆宇。圍遍老松筠。○誰氏子。揮羽
扇。戴綸巾。遐思澹泊寧靜。千古只斯人。摘得雞
心盈袖。撈取鴻頭滿斗。供給未憂貧。識盡躬耕
理。應許笑迷津。

南圃無遺秀

南圃無遺秀。雪徑凍驢通。有人鞍上覓句。居是
浩然公。我自不因人熱。近復得全於酒。敞褐舊

棉中朔吹利如矢。天外數聲鴻。○砍松柴燃永
夜。裹衾烘圖書。坐擁萬卷。合作蠹伊蟲。此日先
生雙履傳道有。上無下。東郭揖高風。莫使同雲
解。好釀嗣年豐。

密密堂前柳

密密堂前柳。蔭我六月軀。山蟬應候而響。非是
聒區區。斗酒可謀之婦。折取碧筒來勸。風雨助
歌呼。連被蒼蠅苦。忽爾凍幾枯。○滿匡牀皆木

氣。傍。東。湖。此。間。憇。臂。休。膝。未。許。離。青。奴。苔。色。多。
年。不。腐。竹。影。斜。陽。相。亂。俗。事。眼。中。無。天。下。知。秋。
了。一。葉。下。高。梧。

目倦川塗異

目。倦。川。塗。異。行。者。不。如。居。生。平。久。旅。無。益。多。枉。
故。人。書。到。處。板。橋。茅。店。望。斷。暮。雲。春。樹。何。地。屬。
吾。廬。心。事。猜。僮。僕。塵。土。上。襟。裾。○兩。三。峰。回。首。
看。倒。騎。驢。浪。遊。輕。費。日。子。撫。劍。一。歎。歔。杜。長。老。

鑿木柄。果可託。以爲命。歸去帶經鋤。數口煩供給。更種遶畦蔬。

靡靡秋已夕

靡靡秋已夕。木葉墜何多。不堪薤草都盡沒。了
冷蟲窩。浪跡輒思爲客。避事常稱抱病。風月細
吟哦。念別故人久。來鴈有書麼。○吾隱矣。甚封
墨。與烹阿。讀書矢志不出。世局任翻波。士僅別
來三日。非復阿蒙吳下。從此莫蹉跎。學寫黃庭

帖戲擬換群鵝。

深得固窮節

深得固窮節。勉作君子人。胡爲阮籍途次。輒爾
發哀呻。拂意事常八九。可語人無一二。懷抱目
幽淪。窻紙正須罅。貫影戰諸塵。○少選間。東嶺
上月堆銀。百年能幾良夜。把殘倍精神。堪歎人
生萬事。真似白衣蒼狗。變態一何頻。莫便放春
去。且坐落花茵。

落地爲兄弟

落地爲兄弟。歲晚聚天涯。客窗夜話未已。細雪
灑梅花。此際得少佳趣。當以共享爲樂。相對莫
思家。幾日謝車馬。門徑寂無譁。○君不見。時易
改。事恒差。詩愁近且入髭。鏡裏著蒼華。歸去投
閒置散。閒出修琴賣藥。作伴有煙霞。竹葉偶無
分。活火試煎茶。

鳥弄懽新節

鳥弄權新節。愈益晚花嬌。東風噓柳不醒春。睡
美河橋。剛聽玉驄嘶過。又見香塵微舉。蓮步曳
宮腰。軟碧萍開處。繡尾兩三條。○行樂耳頻顧
曲。緩吹簫。水村芳醑正熟。樓上短帘招意。與步
而俱遠。步任意而忘倦。身忽到山椒。肯擲千金
刻。應把燭高燒。

寒氣冒山澤

寒氣冒山澤。霧露燈下侵。古人與古俱杳。書上

有其心。細菊數枝秋杪。老鶴一聲松靜。讀罷夏
高吟。唧唧病莎底。助我窻中音。○宅門前。苔不
掃。寸餘深。疎筠手種。尚小。月到未成陰。七日禪
纔高掛。九日帽隨吹下。節候每相尋。幽興故非
淺。詎肯戀朝簷。

盥濯息簷下

盥濯息簷下。日暖歲云終。天如老我。我偏嬉戲
學兒童。簡得曆頭殘了。換個土牛爭看。滿目已

春風從此按花候。二十四番中。○關山亭。誰載
酒。愧揚雄。今秋收秫却倍。家甕幸非空。鼠跡牀
塵狼藉。蛇腹琴紋微細。淡裏趣無窮。石澗凍梅
吐。頃覺暗香通。

崩浪聒天響

崩浪聒天響。一葦懼難持。旅行亦復何樂。對此
樂忘疲。江樹半沈半出。水鳥時飛時沒。風息願
教遲。上下拍浮裏。危坐短襟披。○荻根鬆。沙嘴

卸石稜竒。迴檣相避要早。不碍緩程期。漁父得
鱗沽酒。舟子刲羊。端祀四顧。晚雲垂野。泊近山
寺。無寐憶名緇。

屢闕清酤至

屢闕清酤至。籬落故生花。小池秋草猶碧。時叫
雨聲蛙。宜放宜閒。宜嬾。却悶。却愁。却病。如此奈
何耶。撫景不無負。須自強排些。○猛然思千仞
墜。一毫差。騎牛吹笛向晚。殘炤古村斜。君已自

此而遠。余欲皇皇奚適。凝目水雲賒。渡口忽相
過。倦羽憇征槎。

迴澤散游目

迴澤散游目。常愛出城行。沙鷗數點送我。不憚
一程程。濠濮間想未已。丘壑中人安在。樹杪白
雲橫。携得兩杆子。好去聽鶻鶻。○景無邊。春草
碧。落花輕。茲山領略粗了。又有別山迎。居是丹
青數幅。還屬前時佳手。賞鑒必鰕生。野老暫留。

飲香味薦芹羹。

靜念園林好

靜念園林好。客路滯人歸。風塵跨馬雖壯。落葉打征衣。豈屬名深利切。枉使猿驚鶴怨。山外又斜暉。稚子弄鋤罷。黃犢進柴扉。○老蘆洲。拋露點。作霜威。今宵隱几一夢。應共鴈南飛。世局十年遷轉。心事五更時候。雙淚向誰揮。要滅潁陽跡。久忘漢陰機。

秉耒懽時務

秉耒懽時務。妄冀有今秋。山田薄薄數畝。官稅
僅能酬。兒嬾父書高閣。鶴病日糧存。剩飯罷一
登樓。歷選諸峰勝。就裏拔其尤。○俯仰間。天與
地。總虛舟。人如舟內一粟。只合任沈浮。真快活
已而已。空計算。彼哉彼。道異不相謀。蒿箭插腰
往。猛虎怯黃牛。

叩枻新秋月

叩枻新秋月。水色浸舟涼。搖搖未審何向。葦岸
接天長。時見筠篷三兩。多是打魚人住。開口睡
鴛鴦。行役未應倦。萬頃正汪洋。○過斜灣。菱葉
亂藕花香。要知陣馬雖快。難比順風檣。汀樹孤
雲乍起。片雨江光遙映。盤礴解衣裳。只恐白鷗
鳥。終笑旅人忙。

良鄉道上望西山雪

臘日都門出。路。棗雪凝枝。千峰多少佳氣。停策

試看之。只恁茫茫莫辨。猶自稜稜露爽。山狀擁
新奇。絕勝來青地。寒韻付伊誰。○天愈澹。雲正
黯。似催詩。蹇驢背上。也須皺起浩然眉。只恨無
梅可覓。翻把江南來憶。心事若狂癡。莫厭村沽
薄風勁。苦摧頤。山有來青軒

望西山雪有感

凍土全膠雪。僵樹半摧枝。西去一山橫。頭青白
眼如之。青似看僧在谷。白似看予在路。山眼麗

空奇。擾擾督郵者。持刺又迎誰。○衣是褐。裘乃絮。袖惟詩。風塵老矣。敝貂雖戴冷侵眉。不類子猷乘興想殺袁安高枕。閑戶睡成癡。屈指忙中事。一月幾開頤。

九日晚香堂有懷

今日乃重九。烏帽曉風吹。偶作晚香堂主。來把傲霜枝。杯底黃花新酒。夢裏白雲清暑。秋氣結相知。舊闌蘭亭水。學草近爲池。○鋤芋候收粟。

節打橙時。江南真好。雙螯此日手中持。縱使丘
園常在。只恐松筠空待。猿鶴怨歸遲。勇決淵明
興。瀟灑季鷹思。堂外有小蘭亭。

除夕

住屋忻南向。曝日怕西頽。已入中年行徑。雙鬢
白將催。潦倒疎狂無狀。謔浪詼諧滿口。算我却
高哉。一事最奇絕。新歲詰朝來。○古風俗。喧爆
竹。置爐灰。兩年都在今夜。懷抱對尊開。卿自是

用卿法。吾究竟愛吾鼎。高卧碧山隈。起舞向燈
影。頭插一枝梅。

東岑

與我周旋久。在世名不稱。起來或咏或飲。一日
日相仍。古樹巢煙又暝。老眼看花未醉。心事莫
依憑。夢暫辭莊子。嘯且發孫登。○巾白鷺。裘紫
綺。杖烏藤。東岑路小而僻。逢個砍柴僧。佛說空
卽是色。爾看水與夫月。徹底湛秋澄。松下布陰

滿。寒雨細侵凌。

吾齋

桐甫將孫出。竹久得君稱。吾齋八九椽耳。濃碧
午陰仍。蠅弄鬚兒。傍酒蟬鼓翼兒。喧柳風際喜
虛憑。少選一鉤上。晚閣試登登。○年未邁。心已
嬾。似枯藤。某蕭然一行脚。只頂不同僧。甃亦不
必手運。壺亦不必口缺。攬轡讓他澄。偶落興酣
筆。氣要把雲凌。

閒情

堯舜至今在。巢許不願稱。種桃已作老樹。渠要
與余仍。可笑腰間一束。忙殺世間百足。馬上寄
官憑。細想雲梯窄。容得幾人登。○松伴竹。苔間
草。木垂藤。此居半郭半野。非俗亦非僧。挂笏西
山爽氣。策杖東家美酒。心共玉壺澄。最惜方開
萼。風雨故欺凌。

其二

賸有奇文賞。博得腐儒稱。好風好月好酒。此事
古來仍。僕僕問津之士。落落抱甕之叟。出處孰
堪憑。石許元章愛。山待謝安登。○兩三間茅草
屋。蔓瓜藤。座中客每常滿。琴友和詩僧。相與不
得不爾。我醉欲眠卿去。星斗小池澄。殘髮能餘
幾。頂上螳蜋凌。

詠竹

荒宅亦城市。種竹便悠然。千竿以俟孫子。十個

可儲千。雨後風前瀟灑。月下雪中奇怪。誰似此
君焉。俗士知憎對。含粉媚清漣。○休輕畫文與
可。筆之先。辟疆園廢。于今佳興轉翩翩。堪笑杜
陵斬惡。人世從無惡本。縱惡也堪憐。松梅元好
友。缺處更栽全。

客況

蝙蝠飛來大。老屋不知年。屋上轟然晚雨。明滅
短檠煙。只有一翁默坐。恰對案頭書帙。將聳瘦

吟肩快飲數杯酒。風火發無邊。○家安在。桃葉渡。鳳凰泉。倦遊欲返林下。舊物有青瑣。心事空勞憂杞。籌畫焉能借箸。白雪漸盈顛。最苦四更候。枝上幾聲鵲。

登山

列岫如故舊。遙憶已相懽。携壺況復登眺。須教酒腸寬。可愛斜峰一角。掛任將沈返景。紫翠絢奇觀。秋色忽然老。楓葉半林丹。○芰荷衣。蒲草。

履竹皮冠。山中大抵真率。亦大抵清寒。墜手千
秋鐘鼎。斂足五湖蝦菜。此事古來難。但隱是高
策。世局苦翻瀾。

試茗

試茗先論水。以水是茶神。最喜日來梅雨。天付
與幽人。銷夏止憑芳椀。對客雅稱雄戰。山課絕
囂塵。嘯發蘇門韻。嬾並杜陵真。○蕉扇院。藤裏
壁。笋過隣。無些暑氣。清風一榻。臥閒身。又聽解

醒湯響。莫卸籠頭紗帽。烹法手須親。相對兼棋局。盆藕放花新。

浮蹤

闖入山林奧。雲水意相投。揣我浮蹤。奚似天地一沙鷗。醉落遮頭斗笠兒。輩攔街拍手。爭笑老風流。今日云暮矣。昨日曷能留。○談捫虱。眠夢蝶步扶鳩。北來南去。得休休處。且休休。風裏蟬聲無定。引惹閒情細聽。盛暑已先秋。眉宇幾何。

地難着許多愁。

寓燕人日

元日到人日。未有不陰時。況復蕭蕭旅館。春意
入簾遲。安得媚花佳句。催放凍瓶香蕊。約略見
瓊姿。牆缺西山色。開牖一支頤。○簪綵燕。跨駿
馬。過燕姬。兒童歡笑。喧闐街鼓。促燈期。剪韭
芽。初嫩。挈杖尋芳尚早。惆悵欲何之。飄泊年來
緒。排遣眼前卮。

一枝花

秋日山中

秋使山容瘦。風攪松濤驟。愛衣裳薜荔新栽就。
更栽菊籬東。到了花時候。淺碧池波皺。這蓬戶。
雖關許送酒人來叩。○丘壑內安排不苟。老樹。
千年壽。葉飄紅點染寒霜透。香用瓦爐焚。茶亦。
磁甌鬪。可笑虛名謬。雲果何心。又約我偕他出。
岫。

看雲

洞口歸雲止。石上游雲起。山中何所有。如斯矣。
想世局掀翻。都在風波裏。波靜風無已。誰道看
雲人。長是支頤竹几。○更說甚功名富貴。春睡
連朝美。醉劉伶見酒恒思死。况碧草紅英。織得
春如綺。家甕床頭侈。今日須酣。明日事未知何
似。

高陽臺

旅懷

瘦付黃花。肥歸紅柿。秋霜若費斟量。路草蕭蕭。
王孫猶自他鄉。昨宵月冷雞聲店。夢覺時衾裏
淒涼。近重陽。何處龍山。慵問萸囊。○拂衣解脫
塵寰網。便葛巾取醉。蠟屐尋芳。五畝田園。種些
細麥柔桑。晴乾不作歸來計。頭淋暴雨空傷。急
須商。蝸角蠅頭。着甚奔忙。

其二

劍習飄零。鞭忘迢遞。天涯薄暮遄征。樹黑霞飛。
西峰剩點微明。奚囊細簡無它物。載嶺雲山月。
幽清。重行行。煙際漁燈。野渡舟橫。○家園悵望
知何處。歎徒招鶴怨。久負鷗盟。坐擁寒襟。持杯
憶起萸羹。壯懷寂寞愁無奈。樓頭又打初更。不
勝情。渺渺前村。風便砧聲。

夜飛鵲

此調無換頭

清明次俞光祿容自

一年逢此節。碧草柔纖。遙指處酒家帘。俊遊爭
醉濃粧側。嬌歌急管聲兼。青梅小桃李笑。愛妖
紅堆塢。淺白侵簷。燕兒來了。聽梁間話語頻添。
又見踏青鬪草。隄路簇珠鈿。裙底苔黏。拾取遺
香墮粉。日斜歸去。可奈情慊。髣邊楊柳。看枝枝
插遍。間闌。且芳樽共對。練巾還倒。綵筆時拈。

玉蝴蝶

懷菊

銓次梅花伯仲。龜蒙結好。元亮鍾情。把酒今朝。
只恁冷落寒城。戰金飈。重陽已過。飽玉露。霜降
相迎。問秋英。準開消息。須向君平。○淒清獨遊
三徑。天黏衰草。樹綴香橙。冒雨貪尋。縱然高興
也徒行。品題他以黃爲正。想像殺取。隱稱名。越
心驚。夕餐無計。作甚經營。

東風齊着力

泊蕪湖

宵雨驚檣風燈搖案。一宿江邊舟人酣臥。依約
二更天。勞甚蕪湖關吏。熙熙至。枯客如烟。山人
癖。雖膺行役。猶簡囊篇。○新構幾何聯。憶昨夜
夢拈江管花妍。濤聲奇壯。休更枕書眠。携有金
陵十斛。浮生事孰勝尊前。花瓶小。寒梅數點。香
影堪憐。

滿庭芳

春景次少游韻

嫩草鋪茵。亂花堆繡。遊人陌上新晴。羅衫初試。
纖手摘嬌英。踏去香塵不動。羣鴛戲沙暖波平。
垂楊底。青帘聚客。歌笑雜彈箏。○滿懷春拍拍。
休停屐齒。暫卸冠纓。看四圍攢碧。說甚蓬瀛。只
恐清明過了。荼蘼謝。蜂蝶都驚。徘徊久。騎牛短
笛。弄響過山城。

沅陵道上

司廐愁驅督郵倦。逐崎嶇路走沅陵。峰巒却好。

蔥翠午煙凝。漫說山陰道上。聊騁望遠。近千層。
尤堪羨。溪流幾曲。徹底湛秋澄。○旅懷殊拓落。
悲來阮籍。嘯去孫登。倩征車暫駐。塵想如水。祇
忘雲霞窟宅。快殺那趺坐高僧。前途暝。歸飛衆
鳥。棲盡峭巖藤。

八聲甘州

江行

片帆風飛過幾重山。山從舟上看。任携書載鶴。

高吟大醉。一葉何寬。翻笑風塵十載。雙髯老征
鞍。凝望不妨遠。天外峰攢。○貴賤雖云異等。但
出門皆客。水宿風餐。喜連朝春霽。慰我旅徒寒。
柳芽黃。沙村弄色。引山禽度水。掠驚湍。長江好。
每逢漁父。深羨綸竿。

漢宮春

道上有懷

二水三山望月槎。迴顧早賦歸來。誰知貂裘着

壞尚爾風埃。孤遊携影影憐形。何苦孤哉逢野老。
蒼顏一笑道傍高。坐青苔。○前此寄音兒輩。令門栽些柳。庭種些梅。待余抵家時候。心目聊開。他鄉偏滯。得無教柳怨梅猜。還負却今朝杜宇。枝頭勸了千回。

詠梅

雪色雖侵解。偷春做蕊早。放南枝。寧須遠遊姑射。窮究冰姿。幽懷幾許。欲相傾。茆舍疎籬淺水。

外。歌。斜。一。樹。丰。神。尤。倍。年。時。○。便。道。林。逋。踪。杳。
誦。影。香。佳。句。渺。渺。尋。思。每。呼。二。三。同。志。共。賦。新。
詩。此。中。清。冽。是。寒。英。香。沁。心。脾。堪。笑。也。癡。頑。桃。
李。猶。將。傅。粉。塗。脂。

雨中花慢

夏日

空。闊。雙。眉。集。月。招。風。繇。來。不。挂。纖。愁。看。山。橫。屋。
角。日。在。簾。鉤。嬾。向。龍。門。御。李。喜。從。蝶。夢。尋。周。這。

閒情閒緒。舊管無人。合我新收。○蕉梧羅立。霎
時傳響。小窻天氣如秋。螢火度撲。將紈扇。飛上
書樓。盤剝荷房嫩葯。茶餐茉莉芳甌。自從逃暑。
算剛一月。都未梳頭。

木蘭花

北行逢竹

半途中下馬。此竹子似王家。看蒼雪堆林。寧須
問主。料也無差。陰森處。南土勝。胡風埃。人境托。

根耶。六逸逍遙安往。七賢寂寞堪嗟。○鬚眉相
映綠光加。獨坐意思遐。尤最愛吾君幽聲戛擊。
疎影欹斜。倘容暫留半日。向其間應掃葉煎茶。
可奈郵程促迫。僕夫競起誼譁。

石州慢

壽友

腸化爲筋。日月無權。以速靜者。先生掩戶澄懷。
觀道十餘年也。種桃種桂。花時懽謔春秋。忙中

只道偷閒且。今日好風光。看門停車馬。○瀟灑。
南山雨後。積翠飛來。欲縈杯斚。少選簾兒高軸。
蟾鉤還掛。童顏白髮。祇少孤鶴身騎。壽星圖莫。
教人寫。不醉欲何爲。況香醪如瀉。

秋日途次

塵土西風吹老古今。多少行客。朝來醒眼。遙看。
楓樹帶些酡色。濃霜逼騎。馱子詩思徐征。寒流。
聲怨山橋窄。飛過荻花中。雜三兩黃葉。○悽惻。

問秋何故淡了一峰。峰峰相接。想是雲埋峰翠。
峰噴雲白。新鴻屢遇。那見音耗。傳將幾番誤。把
雕鞍勒。這夢裏行藏。更憑誰占測。

壺中天

俞光祿容自自壽詞見遺依韻和祝

先生七十春秋。繇來只是無思慮。七十還如十
七也。興到酒杯休恕。石點南宮筠圖與可。園裏
風光具。姿同處子。有个藐姑旁妬。○世上多少

癡兒餐芝和朮。微倖長生遇。畢竟古心真不朽。
早把塵囂撇去。祇恐東山蒼生繫望。未許依巖
樹。草堂賓滿。蟾光今夕常住。

其二

先生七十春秋。青山澹却平生慮。謔浪詼諧無
不可。但覺歲華寬恕。衫履身疎。水雲胸豁。千古
風流具。籬葩方艷。入夜莫教霜妬。○眼見全盛
之時。五朝都過。此豈尋常遇。數萬甲兵多益辦。

肯賦淵明歸去。黃髮黑頭。祇今無定。好把擎天
樹。庭松誰伴。飛來老鶴。看住。

其三

先生七十春秋。爰爰一座消千慮。鑿洞開池。鍾
阜側。勝事肯教情恕。烟縷藏橋。霽容浮水。賸有
秦淮具。松姿彌古。一任柳。噉蒲妬。○此日仙侶
如雲。堂盈紫氣。那羨函關遇。晚節幽香。籬落畔。
競把螯尊挈去。綠野時開。青燈宵訓。事業他年。

樹長庚光燦。軒窗櫺裏留住。

其四

先生七十春秋。眉端不挂絲毫慮。宦輦而今趨
急着。到了高人全恕。玄度情深。葛洪丹就。壺裏
乾坤具。芳園佳景。三島十州應妬。○試看露柳
霜蓮。池亭點綴。恰在殘秋遇。社啓香山開好酌。
爭醉深宵不去。名動金甌。履聲還起。妙手經綸
樹。黃花堪愛。年年頭上簪住。

冶城山房卽事

羽人蹤返斜陽。老楓可是茲形像。三尺焦桐終
日抱。便自脫然塵網。列寇乘風。令威化鶴。身世
渾飄蕩。松溪深處。時見鹿過三兩。○試想身後
虛名。生前爛醉。畢竟誰居上。自設山扉。長不啓。
俗客未應敲響。桃簇紅烟。筠流綠雨。到眼堪幽
賞。古城人去。劍光猶吐千丈。